

沈乃文 主編

明別集叢刊 第一輯

第九十冊

黃山書社




沈乃文 主編

明別集叢刊 第一輯

第九十冊

黃山書社



(明)孫偉撰

鷺沙詩集二卷

明嘉靖龔一鵬陝州  
刻清江二家詩選本



敎清江二家詩選

夫童化明刺者風乎暢言敷擊者才乎振靡之  
別者時乎詩三百篇固有出於閭巷婦女田野  
鄙氓之所作者今讀之類後世學士大夫弗逮  
焉非淳龐之時之氣之所鍾會者耶自漢魏以  
後振于唐即讀盛唐諸家或綺麗精確或冲和  
簡易或嚴重莊肅或豪邁峻絕或澹泊閒雅或  
風流醞籍其間發歛抑揚縱橫錯變各各體裁  
然而思精緒密詞博氣調格崇律叶譬諸御夫  
罄控慄慢騁止塵有常塵而城門一軌各率由  
焉故說者謂唐為近古然迄晚亦靡矣  
國朝重熙鴻化蒸陶湛濡一時殷律蔚乎有斐  
蓋自李何以來作者上窺盛唐振出時董莫可  
殫述如吾邑清江孫教二公其際時之會乎才  
之擢也可以觀風矣孫刻有鷺沙集教有心遠  
堂詩草鷺沙集藻麗天逸繹出其奇如扁舟下  
峽迅棹莫禦又如曉萼被露新沃可掬心遠堂  
詩與幽思遠詞古調雅如老鶴孤振清脩絕塵

又如草鋪橫野望絕蹊徑憂者超悟上乘足稱  
名家伯埴仲篋齊諧翕豫未易以區別之也歲  
秋北上小奚檢二刻置輿中予得而讀之長途  
忘倦暇日復類次各體以便諷詠孫刻三百四  
十餘篇今選僅二百篇與教刻合為一帙題曰  
清江二家詩選爰付梓人用貽同志夫龍泉大  
阿之藏也局以堅珉閱之深壤既為華煥分得  
矣詎期神物復合于延平之津耶予於二家之  
刻也忽愕焉驚曰雖謂二家神物合萃于清江  
亦可也

嘉靖丁巳臘月清江閣泉能達識

孫公諱偉字朝望號鷺沙壬戌進士由  
南京工部歷守鶴慶府教公諱英字子  
發號東谷辛巳進士由南京刑部歷陝  
西河南提學四川右轄二集將合刻適  
刺使龔君一鵬來汴遂授之俾刻于陝  
州龔亦清江俊士少攻於詩故樂成斯  
舉懶予謬謬妄事評點漫  
焉龜海豈曰知音達識

鷲沙詩集卷一

五言古體

贈嚴大史介溪先生北上

六首 和不溫雅 得風體

煌煌嚴太史獨卧鈴岡陰高辭出天授卓志羞  
浮沉一朝別泉石所意非朱金上以報

君德下以為親心

為親乃希仕歲月遲已多江亭連日雨奈此離

別何野庖速鷄黍一盼生春和瀛洲渺何處嘆

息雲中珂

春事坐婉晚浮葩委丹白幽棲章句儒求古較

尋尺好友從西來晤言勝雙璧山水頗清輝君

子冀良觀

相別始一歲相逢又此分仙舟去容易野鳥空

啼群幽蘭不惜采為君再三薰長安在日下滿

望生青雲

賢人慎出處祿秩寧苟臨介溪雲卧久時至當

為霖鳳鳥集高岡日轉梧桐陰和毅比大雅調

入南薰琴

畫意 四首

野行不出遠步入橋之東雨晴農事盡水邊村

逕通所欣抱澗人玩心於此同坐看薄雲生宛

媚桃花叢柴門澹松桂鷄穀鳴午春幽憇適天

性送目春飛鴻嫣然吾得我意在忘言中

藏身似蝸盤天地一亭小人語含溪風佳樹陰

霞表水香魚性樂時忽傳幽鳥為般雜泉般幽

景夜復曉禪局發踈磬晴旭射清沼玄談意偶

合荷氣襲林杪拙廢謝時彥雲整袂雙矯

夔契讀何書功烈至今番六經無難字玄理亦

易知子雲厭雕虫猶有人間竒賊莽罪滔天而

曰漢公懿美新雖矯枉蹤跡終可疑心勞日已

拙語贅竒奚為君子善處困雷在澤中時所以

千載下愛讀歸去辭

鷲波一夜凍兩崖恰容舸頑雲黯不動層盡山

與高林影亂水稼天低風晝號船頭釣絲重飛

雪紛如毛獨村掩茅屋竹犬般嗥嗥家貧急朝

夕稚子相嘲嘈得魚換升斗薄莫沽酒膠陶然

擁策卧此外心無勞

願貞軒為龍賜之地官尊甫作

茶蓼苦蟲集，腐鼠饑烏攫。為知靈鳳儔，霞外翅  
寥廓。黃虞宣景德，朝陽定栖泊。夜雨竹不實，矯  
翹避卑啄。所以君子心，明哲履高卓。志行道可  
尊，千鍾弗為卻。路岐往有吝，貧賤聊自托。我嘗  
泛熊湘，養正聞先覺。逍遙三楚間，遠紹四聖學。  
躬耕出南畝，菽水延親樂。味堪玄始澹，體尚混  
沌朴。零露攀桂枝，芳渚攀杜若。晞髮飄冷飈，飛  
泉引康爵。卦氣育初爻，丹田抱真鑿。賢子躡青  
雲，文行圭璋琢。褒崇悉恩寵，振振見麟角。  
豪情謝九州，長嘯專一壑。置翫日中市，机腥恣  
饑嚼。采頤過屠門，寧暇譏齷齪。悠悠哉楚翁，風可  
敦末俗薄。

出塞曲 三首

路繞飛狐西，心與大刀折。鼓鞞斷重圍，斜日陰  
山雪。陣雲隨草低，殺氣傍城結。何人哭遼水，水  
上青燐滅。邊色寒蒼芒，老將節旄絕。胡馬蹄足

高踏冰如踏鐵，露宿黃沙戍。哀笳增哽咽，征人

半未歸。分甘死饒渴，家山常在眼。莫念經年別，

電行莫采芑。佳人莫夢蘭，采芑地不生。夢蘭徵

驗難，即戎有簡書。內私置若干，城邊戈可枕。塞

上雪可餐，寄衣是何日。縮肉且忍寒，烽火時一

紅。淚落山鬼間，重氣自輕生。而暇憂摧殘，君看

交河水，萬馬飲不乾。願河向東流，東流迨長安。

不盡 溫籍

夜宿青海城，天陰未出月。將軍慎吮癰，吮癰銷

人骨。三更霜柝鳴，令下轅門卒。顧恩不顧身，慄

慨相繼沒。征魂誰與招，關山遠難越。千秋易水

歌，一片燕然碣。漢皇惜元命，威德震胡羯。遣子

世稱藩，風沙靡來倖。王莽開邊隙，轉戰無休歇。

白鴈雲中來，繫書寄天闕。飛鳴幸自愛，母使

鴈足蹶

讀養齋災傷 奏稿

讀君災傷疏，一字一涕垂。肝膽為民破，哀哉天  
得知。犛犛滿壑命，延喘經亂離。真宰地



道到極處  
聞者便倒

陽愆四時春夏積沉雨漲江渺無涯波濤失平  
陸菜蓼飽蛟螭鷄鳥一樹棲浮尸近茅茨水退  
已六月驕陽佐南箕乾風簸黃塵野火燒坤維  
陌上含荼子痴痴尚携犁餉烟起村巷錯認婦  
有炊不炊兒固健所憂父母饑上堅不易釋離  
離脚歌危汗流濕荳種鬱蒸蓋墮歸來望雲  
漢昭回竟天陸吾皇御紫極五行皆有司寬  
仁似漢文臣工協惠慈太守潔明德自神嚴禱  
祠順時恤民命入夏禁箠答天人本一理感乎

同養齋遊慧力寺

禪房閉幽閨依依近寒城江光動林景巖霧迴  
陰晴日晏遠山出新松差長成客來僧自起坐  
久鍾亦鳴窈窕竹廊靜時復蘭烟輕眷此同年  
友覽駐車馬榮契闊慰初展語散情復縈法侶

喜相偶煮茶支跛鐺碧甌濯孤興起愛綠雲行  
憇澗悅佳樹冷飈徐有聲且復一懽酌放歌滄  
浪清

登崑盧閣

秋意集高欄夕陽澹群壑飛雲在襟袂語笑應  
寥廓林響吹霜氣時見一葉落川帆去前浦烟  
鳥迴丹閣素懷塵外想及此靜中樂俯仰易為  
陳溪山宛如昨登臨亦是夢感嘆空悠邈黃花  
昧節候冷露浮青萼撫化聿申寫作詩解禪縛

集卷一

詩

六

郡公養齋徐先生北上出皇華館草樹江  
山皆有行色四顧居民默然飲咽知不可  
留矣偉嘗序其事於別簡又聲之歌賦是  
詩曷為而復作乎夫心有不盡之懷言有  
無窮之聲士固各鳴于知己也况夫百年  
懽會消幾離別於是作詩八章寄懷千里  
亦古今興情之極致也

秋風吹遠水離心同處流將別已如此人去奚  
為愁交好易傷散後時非所謀蕙花暗銷落丹

楓似綢繆一遺居者恨一繫行人舟

行舟不可繫親愛腸縷結鳴鷄坐待曙城門有

殘月稚子走永路欲挽前旌節心賞苦難恃誰

能鬢不白聲似含風蟬沉吟忍中絕

可謂情  
筆膠緘

中絕亦劇忍伊人良可思豈無新知會肝膽終

自疑千金易拋擲一語難忘遺君看河上樹歷

歷見來時朝莫君所羨寧知有別離

離別君亦惜不似居者心君身入金門隱異滄

波深滄波歲年改木落多秋陰人行至月上復

聞孤鴻音鴻跡念有在人般無處尋

無處尋奈何瑤瑟亦虛御日斜川上波帆盡江

東樹心知去當返佇立不能去林風振野蔓蕭

颯如相語惠蔭不可常陵君安足據

足據本依德吾豈阿其私娟娟瑤林質繁繁白

雲辭好風忽吹斷唱入承明墀 聖人在五位

吐音宜妙思莫言千載調珍重鳴朱絲

朱絲絃玉琴黃金飾其徽絃性本急直古調多

婉微婉微意不盡意盡愁音稀過

水流寒暄直根抱霜潔餘花綴君衣

君衣著體舊不媿圭組榮徒侶急前路隔坡聞

馬轂長河北風壯驛樓斜日明辛勤越三載草

木懷恩情携手欲何贈空言悲友生

江水之什贈別冬官龔師顏北上

送君此江水江水城隅東輕舟漾暖景別路臨

春風春風幾千里行塵在其中與君本鄉里而

復姻家通何能似行塵隨君車馬蹶君心滿

天關登塗氣如龍高堂念具足遊子多愁容茲

遊豈不樂所生眷彌重誰謂一家實不與天下

同誰謂養志心不如口體共榮華啓初旦

帝澤有令終咨予負夙心顏鬢等飛蓬持觴別

此水何年一相逢為君采芳蘭為君彈絲桐蘭

以結永好桐以寫深衷願言保雙璧照入蓬萊

宮上答 明主知下慰蒼生窮清械懷久要莫

滯南歸鴻 雅裕

小畫 二首

占人翳深壑孤雲時往還崑花與藥蔓無人終

日間泉響落林曙有路穿其間未覺前山夕悠  
然還入山

幽賞盈所抱心期信一丘林烟貯茅屋歲月懷  
良儔草青不近路日斜聊繫舟夕水涵秋白孤  
鴻自去留

山亭夜飲

以下四首次  
陸少參韻

使旌倦澄夕勝處酌方永月臨山翠鮮露下竹  
光淨冷吹悅冲襟鞍馬照秋影回首惜遊寓開  
亭翳空景

春日遠郊

東阡一雨霽溪口聞流泉行春愜遊事沽酒盡  
俸錢林芳囀幽鳥澗日明孤烟不負黍稷稅偶  
耕今在田

仲春郊外

水香木蘭熾日照桃花津沃纒轉遙壑餉烟吹  
四隣適茲文墨暇欣彼物華春所思屬霄漢感  
嘆清路塵

對酒

本律體為次陸少  
參作亦係之此

芳尊臨楚水幽思悞濠梁棠懋春鳩亂蘋流晚  
岫香艱難瞻使節貧賤耻賓行獨有風前桂朝  
來借露光

七言古體

竹隱卷

愛竹不必能自專竹居久自忘其筮古有竹溪  
之六逸亦有竹林之七賢諸賢搃具廊廟手曾  
中雲夢吞八九十步九却逢時艱懶向長安競  
花柳忽然乘興樓竹陰滿山涼吹孤鸞吟山頭

集卷一

婆娑美杯酒盤車九域多歎歎歎歎浮雲日幾  
變白日人間疾如電前代英雄一夢餘清風老  
節令人羨歸來我亦愛我竹不及錢君遍山谷  
踈枝近水淨含漪密葉低雲深映屋有時穿石  
作龍卧鳥雀卑喧不敢過酒醒石上山日高烟  
重一梢當面墮坐久還聞嶰谷散人在竹間忻  
竹晴濕光晝下金瑣碎鳴籟寒遞玉琮琤泠泠  
恍惚湘靈瑟起聽中夜眠不得苔深踏及風露  
搖老鶴一穀竹窓白嗟予未接隱君好寫詩悵

松鶴壽彭敬之

山中到試教三徑掃幽荒  
春晚王猷防直造  
靈柯百尺摩蒼穹  
老骨關石如青銅  
長風劇然起  
烟壑戰髯怒  
卷霜瞳瞳一雙白  
鶴好毛羽順  
風不羨黃鵠舉  
千歲歸來問城郭  
南山只有松陰主  
松陰主人誕長生  
持觴愛此青田卿  
何時雲間騎一隻  
玉笙吹月上瑤京

雪景圖

天風夜撼玻璃國  
四面沉沉元氣黑  
荒林野屋曙鷄遠  
世界江山盡銀色  
山翁倚檻立蒼茫  
一鳥不鳴山外村  
冷光十里斷人跡  
玉樹隔鴈橫  
山門溪寒沙淺水  
烟帶仙妹犯曉停  
風馭雪中忽憶清  
冷橋詩逋老去憑誰寄

梅坡

主人去踏烟波船  
梅花開滿滄洲上  
瓊交鐵曲守白芳  
桃李無言終自讓  
江樓殘笛冷飛腔  
一花不落天與劉  
等閒隔水弔烟月  
鼻觀十里遙  
香齋然似與世人別  
竹外橫枝猶作格洛陽

三月修臺榭轉眼春光屬  
鷓鴣寧知物理有興壞  
人情留去空增嘅  
野夫愛梅如愛詩  
斷橋流水多詩債  
主人一歲一歸來  
角巾不惜頻穿梅  
青溪老鶴有奇氣  
一聲叫亂風花杯

胡人出獵圖

朔風蕭蕭鴈門道  
邊色寒蒼動枯草  
碧眼胡兒殺氣高  
雲中射獵鷄鳴早  
琇弓一聲攏水聞箭  
帶清哀鴈落雲狂  
盧閃襲黃龍  
積狐兔橫奔血  
路分解裘下馬平原立  
掠地蒼鷹羽毛濕  
胡姬一曲陰山歌  
巨羅滿注羊酥汁  
羊酥汁樂無涯  
華自華兮夷自夷  
世間萬物各有適  
打圍之樂誰爾疑  
當今聖人德無外  
翠華六轡時瞻邁  
腥膻莫近賀蘭山  
養育頑懷聖恩大

得尊受體  
往在真州官署養一鶴  
甚馴別去十有三年  
鶴之消息無聞偶見可一  
秀才家畫儀

極相肖感懷不已

風簷醉眼初裂開揚州  
真侶何飛來當時騎鶴樓  
邊曾對酒月中還下拂雲  
臺舞多不厭騷人

看操古鳴入孤琴哀羽儀如雪性疎野俛啄首  
 露身崔嵬有時瘦軀閣長頸群鷄競食眼不回  
 有時戛然唳一聲寒響括空山欲頽有時側身  
 僵蹇忽長顧蓬萊青海遙興懷有時崢嶸歲莫  
 立階下似厭燕雀卑喧逐予生疇孤愛此鳥結  
 草權處鑿江隈清風老竹數十莖臨霞照水相  
 徘徊風埃一自別鶴去天高野迥來無媒故山  
 芝草石上老萬里長悲安在哉秀才可一瘦於  
 鶴高步長鳴遡寥廓眼中六翮正捎風早晚扶  
 藜看栖泊殘縑片楮何處得此瑤臺姿令人感  
 慨傷今昨

雪航

長江瀉水下建業海門潮色動眉睫北風連山  
 卷雪飛波底客舟凍一葉爾時木落江亦空舵  
 牙撞氷江之東萬鴉僵立礮石暗遙見縷縷茶  
 烟紅城頭老樹低幾尺雪裏看山千仞壁斷蒲  
 折葦僻沙港冷光直射蛇龍室青山渡口月出  
 皓鷺嶺夜半鐘聲到當壚一笑任吳姬醉著蓬

衣脫貂帽也不作周公夢也不歌楚狂鳳也不  
 學淮南王問僊人也不學劉更生參道衆雪下  
 淺渚邊雪晴輕浪前金烏浮光出海底卯酒正  
 睡江天船

石江

石江秀才結屋鷺沙之舍傍石江亦在雲水鄉  
 疏鑿不賴神禹力坤維竅闢由開皇六丁持斧  
 伐崑崙轉置萬石如鞭羊裝點骨岍怪千狀水  
 府白晝雲雷藏魚龍星浪互隱見風行水面皆

雪航

文章不知海上五山何人失守夜飛來旋砍  
 足擎中央又不知天河何年通海眼流出地脉  
 榆花香等閒風烈雨晦際玉穴瓊噉生夜光石  
 江秀才談笑日徜徉手携大古書沿廻放滄浪  
 有時坐樹下拋書整冠裳眼看頽波汎濫不可  
 挽盡日扼腕增感傷天寒網罟集鷺鴛晒魚梁  
 飛鴻不下薰葭蒼蒼風前綠綺琴對月彈羲皇  
 羲皇世遠幽憤長夜深聲調餘鏘鏘金烏矯翮  
 上扶桑晨光下照紅蘭塘紅蘭正好紉幽佩那

復濯髮臨朝陽石江秀才於此時弓纏文兕筋  
劍抹芙蓉霜朗歌商頌氣塞天地同一腔餘子  
駭見疑怪復疑狂鷺沙老子詩懷渴欲倒石江  
淋胃腸忽聞鐵網珊瑚樹枝火出燒龍堂乃  
知發寶自有時餘子却走不敢望我亦不求仙  
入東海亦不能詆佛說君王釣舟間繫石江下  
得酒一醉情俱忘

題錢太守山水畫

怪底山光動屋椽半空飛落晴昊泉百八盤上  
剛風急竒觀偃屈岫岫前初驚天台萬仞標赤  
霞又若匡廬孤嶂橫閣東南天十日五日構水  
石氣格疑在契丹先衆手反覆劇雲雨洗濯蒼  
頰骨立堅青松杳藹帶紅寺老鶴遡虛鳴紫烟  
恍然認昔遊冷壑聞清猿崩楓怪石嵌熟視愁  
壓肩冠裳古貌者何人橋上酒醒窺八埏齊魯  
諸山不入眼倒景滅沒銀漢邊亦有二子疑  
老復疑禪羽衣破衲石上坐顏面似醜還似妍  
日月行天下轉調美一笑輕千年嗟我足不

下堂又琪草瑤花空自憐郡公曾次本遐曠斗  
山到處人稱賢嘯餘老氣流丹壑怒罵秋色明  
霜巔官成自許銘山嶽勳名豈得偏城專君不  
見蘇老雲霧仙新詩萬首皆山川又不見米家  
書畫船夜虹貫日江波連出來畫與詩格並景  
皆天造非言傳野夫披圖會公意便欲緣崖直  
上和詩鐫吁嗟乎流水年華易古岸山依然他  
時許我隨黃鶴一囊崑崙山頭叱起神人鞭

以上數篇  
頗似李白

五言律

九日

塵世倦雙眼江山獨倚樓但知陶令醉未解杞  
人憂魚落烟波夕蟬鳴天地秋黃花無俗態不  
厭插盈頭

贈弟佐之蒲江縣佐以賓州公話過家一

年北上領今職

弟兄路當鴻鴈別心與去帆征遠道加餐飯關  
寒江催短日險蜀有人行窮巷違親舊衰懷托

河早寄毅

才人多被罪此意孰窺天身逐投荒傲心如未  
第年臣疎惟戀國 主聖自懷賢路出巫山雨

騷人莫繫船

三帝至九章見依依之情浦者惻惻

北來行李亂又復問西程王事君應急心期我  
未平飛鳴今異處辛苦舊同情泣別憐雙鬢風

前白易生

斗酒不惜乾懿親別故難天寒鴻鴈斷原遠鶴  
鴛單三峽聞猿過千峯立馬看所嗟人異月不

鷓鴣沙詩

得四特團

州縣知君薄憐才且慰顏宦名清苦處時命是  
非間小試堪遊刃先收擬賜環鄉心忘不得書  
度萬重山

關樹遙搖落帆開遡岬遲風埃憐去住骨肉厭  
分離川遠水無盡人親意自隨莫教忘在昔前

路政多岐

念惜為兄弟艱難形影雙結交新貴戚零落舊  
書憲邂逅舟仍發迢遙心可降孤燈照寒雨今

夜盡離缸

忍歌棠棣句暫對菊花枝易別水流處難禁人  
去時一飛驚奮羽三折試良醫覺分閉關早青  
雲看子奇

難弟辭鄉日慈親戀子年孝心遠遠道薄養有  
偏緣把酒同康樂題詩送惠連 聖明思賈傅

夜半席應前

君作蒲江令江清蒲更馨水邊琴石瘦花底鳥  
鳧青折閱觀新價分携慰壯齡我歌寄瑤瑟韻

鷓鴣沙詩

苦煩終聽

四景 四首

野構延新霽輕雲放遠山酒添花木氣春與性  
情閒養拙無多事浮生有笑顏鳥聲渾識意只  
在釣磯灣

短榻橫清暇南山過雨痕薰風生草木積水浸  
雲根蕙思虛瑤瑟菱歌近酒樽但知自家樂相

憶復誰言

九秋風色澹水落練花潭十步有芳酌一茅還

舊寵南山今昨是野菊醉醒甘懷惜義熙後誰  
將此意參

崑樓寡儔匹幽思眇難裁雪陣寒初閉江光晚  
未聞轉空聞語骨鏘韻上琴臺日暮看猶落漁

翁罷釣回

梅谷

玉樹參差合花延近水村雪晴山照影溪淺月  
生魂冷韻搖詩夢橫枝碍竹門酒邊春色漲桃

李正無言

鷺沙詩集卷一

竹

愛息管簫逕樓逢十畝陰清風延老節冷月照  
虛心稚子穿雲入幽人越澗尋筍根無剪伐春

雨秀前林

梅

野屋梅為伴清寒共作家長空松幄陰淺圃竹  
籬遮鐵骨塗霜瘦虬枝照水斜年年春事早先

放臘前花

橘

秀立秋高後恩懷雨露寬辛虫鏹玉葉飛鳥避  
金丸香瓣同胞出華漿沁齒寒却憐身在野無  
分獻 龍顏

枳

同類齊登隴一株偏向塘性非江北異花入楚  
南香俗子平高氣麗人治隘腸酒邊添淡在盞

日引杯長

遊北園 二首

小酌樵甲室臨池興自湛雨膏全著菜霜味各  
於柑竹遠傳稀韻魚深逆老饒歎詩仍帶酒水

色照清酣

一筋黃鷄酒從君棗樹林孰歸憐老馬交語愛  
鳴禽野色明餘照巖扉結冥陰魚波自千尺不

及此杯深

次養齋夜送梁閣老韻 二首

使舟趨夜驛星彩動寒城嶺海歸耆舊  
天王自聖明艱難驚往事忠義仗儒生送別銅

江上應憐江水平



客中仍送客岐路早涼心殘柳依江靜秋砧入  
夜深後時看獨坐應俗有長喙欲采蘋花曲風  
前思不禁

次養齋登城晚眺韻 二首

臨高望原野秋色已平分狹水牽長渚孤城對  
晚曛川容三日雨人語半山雲莫問漁舟遂悲  
含九辯文

淦水洲長截蒙山色共分墟烟明顧盼林鳥易  
朝曛客子頻爭渡溪翁獨釣雲唼詩多得瘦莫  
鷓鴣詩

訝沈休文

重陽後一日遊西郊

小市依村曲孤雲抱水灣人家重節過野老角  
巾間獨鳥看還遠柴門僻自關桂花全吝雨開  
晚郭西山

廖汝謙本蜀賈也近客浮梁雖志在近家  
懷璧越鄉豈其憂也乎行間作贈

蜀道頻穿險沿流入古饒扁舟載筆硯長笑激  
風潮青塞天邊樹朱門月下簫憐君不自解鄉

思逐廻撓

雜題

未敗隨緣住安禪觸處通孤雲謝晴雨流水澹  
西東落日遙歸錫深山晚應鍾谷中啼鳥靜燈  
影待支公

幽居漫興 二首

小隱茅塘夕寥天桂露沉誰知諧俚耳却勝葉  
瓢心聽鴈秋懷迥看星夜色侵蘭烟坐消歇城  
上落疎砧

鷓鴣詩

耕鑿少情欲流光與歲徂無名似秋草有養  
慈鳥遠水寒生月夜風初上鱣臨流亦忘釣  
地此情孤

鷺沙詩集卷一